



TOSHKENT DAVLAT YURIDIK UNIVERSITETI REKTORINING B U Y R U G ' I

15.05.2023

293-tm-son

Talabaga hayfsan e'lon qilish to'g'risida

Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksi va boshqa ichki hujjatlarni buzish holatlari kuzatilmoqda.

Jumladan, universitetning Xalqaro huquq va qiyosiy huquqshunoslik fakulteti 4-kurs talabalari Nurdinova Nilufar Dilmurod qizi va Pardayeva Oydin Avg'onovna Odob-axloq kodeksi qoidalariga bilan tanishtirilgan, dekanat tomonidan ogohlantirish berilgan bo'lishiga qaramasdan 2023-yil 13-aprel kuni soat 19:00 larda Universitetning 3-sonli Talabalar turar joyidagi 214-xonada talaba N.Nuritdinova telefonda gaplashayotgan vaqtida talaba O.Pardayeva telefonga ulangan ovoz chiqargichda baland ovozda musiqa tinglagani uchun ularning o'rtalarida ziddiyat kelib chiqqan.

Natijada, talabalar N.Nuritdinova va O.Pardayevalar bir birlarini qiz bola sha'niga to'g'ri kelmaydigan (farosatsiz, mol, isqirt, tarbiasiz, odam emassan, shayton) kabi so'zlar bilan haqoratlaganlar.

Universitetning 3-sonli Talabalar turar joyi mudiri F.Yuldashevning 3-03-09/15-sonli bildirgisiga muvofiq talabalar N.Nuritdinova va O.Pardayevalar Talabalar turar joyi Ichki tartib qoidalariga zid ravishda bir-birini haqoratlagani va mazkur talabalarga nisbatan chora ko'rishni so'ragan.

Talabalar N.Nuritdinova va O.Pardayevalar o'z tushuntirish xatlarida 2023-yil 13-aprel kuni soat 19:00 larda Universitetning 3-sonli talabalar turar joyidagi 214-xonada musiqa shovqini sababli o'zaro tortishganlarini qayd etishgan.

Talabalar N.Nurdinova hamda O.Pardayevalar mazkur harakatlari bilan TDYU Odob-axloq kodeksi 18-moddasi 2-xatboshisi (xodim va talabalar o'zaro munosabatlarda inson qadr-qimmatiga hurmatsizlik, shaxsiyatni kamsitish, o'zganing intellektual mulkini o'zlashtirib olish, qo'pollik, behayo so'zlar ishlatish, mushtlashish qat'iyon man etiladi), 27-modda a-kichik bandi 17-xatboshisi (Talabalar turar joyi Ichki tartib qoidasiga qat'iy rioya qilishlari

lozim) talablarini buzgan.

Yuqoridagilarni inobatga olgan holda Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi, Toshkent davlat yuridik universiteti Odob-axloq kodeksining 18-moddasi 2-xatboshisi va 27-modda a-kichik bandi 17-xatboshisi hamda universitetning Ichki tartib qoidalari (ichki mehnat tartibi qoidalari) 83-bandiga hamda TDYU Talabalar turar joyi Ichki tartib qoidalariga asosan

BUYURAMAN:

1.Universitet Odob-axloq kodeksi 18-moddasi 2-xatboshisi va 27-modda a-kichik bandi 17-xatboshisi talablarini buzganligi uchun universitetning Xalqaro huquq va qiyosiy huquqshunoslik fakulteti 4-kurs talabalari Nurdinova Nilufar Dilmurod qizi va Pardayeva Oydin Avg'onovnalarga hayfsan e'lon qilinsin.

2.Fakultet dekanlari (Sh.Saydullayev, D.Kamalova, B.Musayev, D.Umarxanova, A.Babadjanov) mazkur buyruq bilan universitet talabalarini tanishtirsin.

3. Fakultet dekani (D.Umarxanova):

mazkur holat takror sodir etilsa, talabalarni talabalar safidan chetlashtirish mumkinligi to'g'risida ogohlantirsin;

mazkur talabalarning shaxsiy hujjatlar yig'majildiga buyruq nusxalari tikilishini ta'minlasin.

4.Mazkur buyruq bajarilishini nazorat qilish prorektor A.Hashimxonov zimmasiga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

D.UMARXANOVA

**Kelishildi:**

Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Direktor

SH.PO'LOTOV



Katta yuriskonsult

A.TURSUNOV

